



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
Komisija za ostvarivanje
jednakosti spolova u BiH
Broj: 01/8-011-88/01
Sarajevo, 12.03.2001 god.

Z A P I S N I K

2. sjednice Komisije za ostvarivanje jednakosti spolova u BiH Predstavničkog doma Parlamentarne skupštine Bosne i Hercegovine, održane 12.marta 2001.godine

Sjednica je počela u 13,00 sati.

Sjednici su prisustvovali: Violeta Kamberović, dr. Mediha Filipović, Abdurahman Malkić, Amor Mašović, Hilmo Neimarlija, Bahrija Osmanović i Momir Tošić.

Sjednici nisu prisustvovali Mirko Baković i Dušan Stokić.

Sjednicom je predsjedavala Violeta Kamberović, predsjedavajući Komisije.

Za sjednicu je predložen i usvojen sljedeći

D N E V N I R E D

1. Izbor prvog i drugog zamjenika predsjedavajućeg Komisije za ostvarivanje jednakosti spolova u BiH

2. Mišljenja i prijedlozi za izradu Programa rada Predstavničkog doma za 2001.godinu

3. Tekuća pitanja.

Ad-1.

Izbor prvog i drugog zamjenika predsjedavajućeg Komisije za ostvarivanje jednakosti spolova u BiH

Na osnovu člana 27.stav 2. Poslovnika Predstavničkog doma Parlamentarne skupštine Bosne i Hercegovine Komisija je za **prvog zamjenika** predsjedavajućeg Komisije izabrala **Bahrija Osmanović** a za **drugog zamjenika** predsjedavajućeg Komisije izabran je **Dušan Stokić**.

Odluka je donesena jednoglasno.

Ad-2

Mišljenja i prijedlozi za izradu Programa rada Predstavničkog doma za 2001.godinu

Sugestije za Program rada Komisije upućene od strane Suade Muminagić, poslanika Predstavničkog doma ranijeg saziva, podijeljene su članovima Komisije.

Predsjedavajući komisije je istakla da očekuje da će timskim radom Komisija najuspješnije opravdati svoj rad u okviru nadležnosti utvrđene Poslovnikom.

U raspravi su učestvovali: dr. Mediha Filipović, Hilmo Neimarlija, Bahrija Osmanović, Abdurahman Malkić, Amor Mašović i Momir Tošić.

Istaknuto je da je dosadašnjom zakonodavnom regulativom u BiH u veoma malom obimu regulisana određena prava žena a kao primjer je naveden Zakonu o radnim odnosima i Zakon o zdravstvenoj zaštiti. Međutim, neke nevladine organizacije se bave određenim problemima kao što je obrazovanje, roditeljstvo, zdravlje, nasilje nad ženama i drugo.

Zaključeno je :

1. da se uputi dopis Komisiji za jednakost spolova pri Vijeću Evrope u pravcu dostavljanja konvencija i zakonskih propisa koji regulišu oblast ostvarivanja određenih prava, sprečavanja diskriminacije žena i dr. što bi bila polazna osnova za unapređenje djelokruga rada Komisije;

2. da Stručna služba pripremi dosadašnje zakone koje je usvojila Parlamentarna skupština BiH a dotiču se prava i probleme među spolovima;

3. da Komisija u predstojećim zakonima koji se budu dostavljali na razmatranje i usvajanje Predstavničkom domu inicira regulisanje i zaštitu ostvarivanja određenih prava među spolovima u pravcu njihove ravnopravnosti a na osnovu čega bi se odredile aktivnosti Komisije.

Ad-3


Tekuća pitanja

Mišljenje je većine članova Komisije da se uspostavi saradnja s nevladinim organizacijama koje se angažirane na rješavanju određenih prava i problema žena; da se pokuša od Republike Slovenije dobiti tekst zakona kojim su regulisali ostvarivanje jednakosti spolova u Republici Sloveniji.

Sugerisano je da razmotri mogućnost pomoći majkama i sestrama da spoznaju istinu o nestalim u Srebrenici juna 1995.godine.

Sjednica je završila u 14.00 sati.

Sekretar Komisije
Emira Češljarić



Predsjedavajući Komisije
Violeta Kamberović

